



UNIVERSITÄTS-
BIBLIOTHEK
PADERBORN

Vitæ Pontificum Romanorum

Ex Antiquis Monumentis Collectae

Sandini, Antonio

Bambergae, 1753

CCXXXIX. Alexander VII. Anno Christi 1655. Ferdinandi III. 19.

[urn:nbn:de:hbz:466:1-65477](https://nbn-resolving.org/urn:nbn:de:hbz:466:1-65477)

ANNOTATIONES.

(1) Constitut. 2. §. 1. tom. 4. Bullari
pag. 238.

(2) Constitut. 27. §. 2. tom. 4. Bullari
pag. 281.

(3) Constitut. 31. ibid. pag. 287.

CCXXXIX.

ALEXANDER VII.

ANNO CHRISTI 1655.

FERDINANDI III. 19.

CUm aliquamdiu inter Cardinales Pontifici creando congregatos certatum esset sententiis adversis, VII. Idus April. Pontifex renuntiatur *Fabius Ghisius Senensis*, qui *Alexandri VII.* nomen sibi imposuit. Occupatus in Urbe ornanda ædificiis & molibus, incubuit præsertim in curam Christianæ Religionis. *Propositiones* quinque depromptas ex libro *Jansenii* supra memorato iterum execratus est, & aliorum Auctorum quinque & quadraginta damnatis, fanxit morum disciplinam. (1) *Isaacum Peyrerium* simul *Calvini* sectam, simul librum *de Præadamitis*, quem paulo

paulò antè ediderat, damnantem, & veniam suppliciter deposcentem admisit in communionem Ecclesiæ. (2) Superiorum Pontificum decreta de Conceptione Deiparæ Virginis rata iussit esse, adjectis pœnis in eos, qui contrà facerent. (3) *Indulfit, ut Dei Servus Franciscus de Sales olim Episcopus Genevensis in posterum Beati nomine nuncuparetur, ejusque corpus & Reliquiæ venerationi Fidelium exponerentur.* (4) Reginam Suecorum Christianam, florentibus annis abdicato Regno, rejectâque Bruxellis hæresi, venientem Romam, ut in Sede Orthodoxæ Religionis domicilium sibi perpetuum collocaret, lætus excepit honore generis omnis. Venetam Rempubicam laborantem bello Cretico adjuvit pecuniâ & milite. Præstò fuit Leopoldo Cæsari in Hungaria & Transilvania eorundem Turcarum impetum ægrè sustinenti. Carolo quoque Emanueli Sabaudix Duci pugnanti adversus hæreticos accolæ vallium Alpinarum, Regique Poloniæ armis Suecorum pæne oppresso tulit auxilium. Abolevit officium Subdiaconorum Apostolicorum

rum ministrantium Pontifici rem divinam facienti, ad quod utpote venale aditus erat etiam minus dignis. In eorum locum suffecit Sacrae Romanae Rotae Auditores, concessit eisdem veste coloris violacei, & sportulis Palatinis: idemque jus esse voluit singulis Canonicis trium majorum Basilicarum. Cardinalibus vero interdixit usum coloris nigri ac lugubris, quo dolorem ex necessarii alicujus obitu testabantur. Post annum ætatis nonum & sexagesimum, Pontificatus *duodecimum, mensis unum, ac diem decimum quintum*, XI. Kal. Jun. anno 1667. mortem oppetit, cujus monumentum, feretrum ipsum in eodem, in quo degebat, cubiculo vivens habere voluit.

ANNOTATIONES.

(1) Constitut. 28. §. 1. Constitut. 162. §. 1. & Constitut. 167. §. 1. tom. 1. Bullarum pag. 238. 405. & 409.

(2) Peyrerium confutarunt Joan. Cont. Dannhavverus in eo libro, cui titulus *Præadamita Utis, sive Fabula primorum hominum ante Adamum conditorum explosa*, Eusebius Romanus (Philippus Priorius) in *Animadversionibus in* librum

librum Præadamitarum, & Natalis Alexander in Hist. Eccl. Veteris Testamenti tom. 1. Differtat. 3. art. 1. pag. 57.

(3) Constitut. 117. §. 4. *Decreta à Romanis Pontificibus Prædecessoribus nostris, & præcipuè à Sixto IV. Paulo V. & Gregorio XV. edita in favorem sententiæ afferentis, animam B Mariæ Virginis in sui creatione & in corpus infusione Spiritus Sancti gratiâ donatam, & à peccato Originali præservatam fuisse, nec non in favorem Festi & cultus Conceptioni ejusdem Virginis Deiparæ, secundum piam istam sententiam, ut præfertur, exhibiti innovamus, & sub censuris & pœnis in eisdem Constitutionibus contentis observari mandamus.*

Cardinalis Lambertinus De Serv. De Beatif. & Beat. Canoniz. lib. 1. cap. 42 num. 14. Ex Constitutionibus Sixti IV. S. Pii V. Pauli V. Gregorii XV. Alexandri VII. & Clementis XI. quæ in unum collectæ legi possunt in Notis ad Gulielmum Estium tom. 2. editionis Neapolitanæ anno 1720. p. 8. clarè desumitur unanimis eorum propensio erga sententiam, quæ Beatam Virginem Mariam à peccato originali servatam in sua Con-

Rrr 4 ceptis-

ceptione adstruit atque confirmat. Vide annotat. 4. ad Sixtum IV. & 9. ad S. Pium V.
(4) Constitutione 118. §. 3. tom. 5. Bullar. pag. 348.

Memoratus Card. Lambertinus lib. cit. cap. 24. num. 5. *Prima sollemnis Beatificatio, quæ facta fuit in Basilica Vaticana, fuit illa Servi Dei, nunc Sancti Francisci Salesii, & expleta fuit die 8. Januarii 1662.*

CCXL.

CLEMENS IX.

ANNO CHRISTI 1667.

LEOPOLDI I. II.

Julius Rospilosus Pistoriensis, annos natus novem supra sexaginta, XII Kal. Quintil. deligitur præses summus gentium Christianarum, appellaturque *Clemens IX.* Ei statim gravis est adversaria parata incredibilis quædam expectatio, quam non solum sustinuit, sed etiam vicit. Nam pietate fuit singulari, omnes facile admisit, in Vaticana *Æde* Sacramentum Pœnitentiæ administravit, totus causarum, non hominum, justitiam lenitate temperatam servavit.